

四庫全書

集部

欽定四庫全書

集部

林登州集

目錄  
卷二

詳校官鴻臚寺卿

臣

梁景陽

中書

臣

劉源溥覆勘

總校官庶吉士

臣

何思鈞

校對官中書

臣

王家賓

謄錄監生

臣

何均

欽定四庫全書

集部六

林登州集目錄

別集類五明

卷一

四言詩

五言古

卷二

五言古

七言古

卷三

七言古

卷四

五言律

七言律

卷五

七言律

卷六

七言律

卷七

五言排律

五言絕句

七言絕句

操

辭

詩餘

卷八

送序

卷九

送序

卷十

送序

卷十一

送序

卷十二

贈序

卷十三

集序

卷十四

集序

卷十五

記

卷十六

記

卷十七

記

卷十八

詔

誥

表



箋

頌

贊

箴

銘

卷十九

誌銘

卷二十

誌銘

卷二十一

墓表

神道碑

傳

誄

些

祭文

卷二十二

說

解

文

疏

卷二十三

題跋

臣等謹案林登州集二十三卷明林弼撰弼

字元凱龍溪人元至正戊子進士為漳州路  
知事明初以儒士修禮樂書授吏部主事官  
至登州府知府弼嘗與王廉同使安南以却  
贖金為太祖所器生平著作有梅雪齋稿使  
安南集是集總名登州蓋彙而輯之者凡詩  
七卷文十六卷其使安南集宋濂曾為之序  
稱其文辭爾雅王禕亦嘗贈以詩與之唱酬  
其墓志即王廉所作稱其詩文皆雄偉軼宕

清峻之語夙出塵表蓋明初閩南以明經學  
古擅名文苑者弼實為之冠也弼又名唐臣  
以時禁國號名氏遂仍舊名是弼本初名唐  
臣乃其改名朱彝尊明詩綜則云弼初名唐  
臣當由宋濂序謂唐臣更名弼致誤然宋序  
未嘗言初名也至弼改名既久而原本之首  
尚署為林唐臣撰則無所取今仍署弼名著  
之錄焉乾隆四十三年五月恭校上

總纂官

臣紀昀

臣陸錫熊

臣孫士毅

總校官

臣費

墀

欽定四庫全書

林登州集卷一

明 林弼 撰

四言詩

北山堂詩

有序

汪君世良居開化之北山常構堂以奉二親既入為  
天官不得承顏朝夕因命畫者作北山堂圖并記其  
別時之景蓋思之切故以是而寓其情庶幾一目之

頃少抒悵悵云爾序而詩之者既詳且切予讀之有感於中因推詩人之緒而為之言

瞻彼北山其下有堂堂有甘旨吾親是將胡為乎來于鍾之阜鍾有北山匪我之舊我思北山思之永歎庭有長椿堂有藁萱椿之茂矣萱之秀矣悠悠我思曷云覲止有圖有詩莫慰我思北山之歸我心則夷自古在昔以忠為孝勗爾世良是則是效

元帥觀公平寇詩



元受天命率土悉臣三陟晏帖孰謂凶人聞徼之絕橫  
生矛橐大肆羣疑將吮民血蝟鋒螳斧推威過隅蟻聚  
烏合至於我郭錦股紅首跳踉吮吼謂此孤墉可以計  
誘桓桓觀公實維分藩奮臂一呼貌虎髯掀公曰勿暴  
以駭我師猛兇在桺半就梟夷逆首匪茹悉衆來赴修  
我戈矛我備以豫盜未至郊士已越關載戰載捷如飛  
如翰爭先逐北狼虺駕踣戎府大開以受訊馘盜之方  
熾我民無所盜之既平我民安堵如枯而蘇如涸而濡

孰生我人公仁之敷公曰噫嘻匪予之勲皇仁遠屆帝  
德好生民食而祝我公之粟民居而思我公之屋願公  
壽康登庸廣堂匪澤一郡式福多方狂斐小子幸際燕  
喜爰述誦言遂歌泮水

五言古

題陽山蒼檜圖

瞻彼陽山岡蔚有蒼檜樹密葉含清暉繁枝泣零露秋  
蘭隔芳洲春草迷長路游子兮歸來山空歲云暮

次韻顧孟仁遊雲洞之作

端居感流序躍馬城東道卉木競華滋山水政清好於  
馬息塵營聊復事冥討細泉響巖竇幽禽囀林堡憑高  
一長嘯坐覺天地小登臨二三友况復富詞藻側塞林  
中花丰茸原上草物情方向榮樂事當及早古來賢達  
士閱世猶昏曉豈無大藥資弱流隔蓬島所以日飲酒  
愁腸頗如掃憶昔雪齋翁故山早投老風磴遊目多雲  
龕容膝少人歸山寂寂空宇塵渺渺念此重躑躅淒然

亂懷抱人生若山水繁沃條枯槁深谷尚為陵大陸乃  
成沼塵跡當焉如而不終雜擾浩歌振林壑大白浮顥  
顥母令磊砢胷徒自嬰苦惱滄波復東注白日忽西倒  
帝鄉邈難期征帆送飛鳥安得凌風翰肅肅升蒼昊

贈張子明奉使歸維揚

幕府張佳士乃是張公孫華裾照秋水彩筆輝朝暉不  
作山澤癯弓劍思高騫東風紫騮馬白日薇花垣草檄  
蘊雪合擊楫江水渾旣殪豺與虎復潛蛟與黿魯連貨

無取介子功不言長揖謝上官振袂歸故園揚子夜月  
擢竹西春雨尊於馬得真樂暫爾忘塵喧南山霧隱豹  
北海風搏鷗時哉奮高舉萬里賓帝閭

野翁吟

野翁本儒士頗有山水緣葛巾石壁挂藜杖春雲穿文  
章不自銜質實全其天深嗟流俗人二氏習已堅親死  
不土葬焚尸骨已捐野翁泣為言五避禮所先焚棄固  
足罪拘忌亦可憐流俗聞此語涕泗皆潛漣純孝能錫

類人心本同然彼哉濁世人心跡與書懸高價售名譽  
捷徑媒寵權諄諄教孝義野翁真世賢

喜王子充赴召翰林

聖皇啟明運日月麗中天幽微靡不燭草野無遺賢夫  
君樂嘉遯邈在金華川一室坐虛白十載窮太玄翳翳  
舍西桑涓涓屋頭泉君子思括囊志士催著鞭鶴書白  
日下束帛何戔戔光華喜云近獻納知所先江右暫借  
潤漳南重安邊三月已報政千里如解懸當寧深眷注

求舊資周旋金閨昔通籍石室今紉編絲綸王言布黼  
黻人文宣真儒幸徵庸疲民思惠鮮而我惜遠別中心  
抱悃悃士生貴大施外職徒縈牽及茲飾鴻業百世當  
無前玉堂有餘暇早寄新詩篇

題周伯虎採蘭詩

光風汎崇蘭流芬散中林草木被餘薰山水發清音蕭  
艾一何繁霜露日已深伊誰愛芳質於焉間冲襟獨有  
君子人皦皦同貞心采之未盈掬價重雙南金逝將紉

華佩遠鄙瓊與琛重將鼓遺操邈繼南風琴淳風未云  
喪振古猶斯今

虞姬怨

君王萬人敵賤妾萬人憐昔有絲蘿托願言金石堅云  
胡竟失勢恩情不終全騅馬驕不逝楚歌聲四喧君心  
為妾苦妾身為君捐嗟君氣如虹創業未八挺恨妾命  
如葉事主無百年遊魂遂驚塵怨血濺流泉妾死亦已  
矣君行當勉旃江東地雖小星火亦可燃願身化孤燕



隨渡烏江船

旅感三章

洪武丁巳春同吳太史伯宗再奉使安南得疾道中  
有作十月歸次劔江疾稍愈稿呈劉伯序

今晨秋節至涼風動庭柯美人白團扇臨風發清歌  
聲出雲表哀響亦何多落花不上枝逝水無回波妾顏  
亦易改君恩當奈何

其二

驅車秣吾馬萬里涉遠道遠道多險艱行李何草草晨  
征夕未息川陸漫浩浩行役豺虎區此身不自保明當  
脫塵羈優游以終老

其三

長風吹明月流光入高樓起坐彈鳴琴清聲滿樓頭一  
曲操將歸四座增離憂吾身匪金石衰謝宜歸休為郎  
已白首馮唐更何求

送周伯章之宜陽令

有序

曩余令豐城知伯章周君之賢欲薦之而伯章以親  
老辭今年春以太守王侯舉來京師上御華蓋殿親  
賜問焉已而授宜陽令嗟乎士患無所立不患有司  
之不明聖世之或遺也伯章抒其素蘊見於設施譬  
猶刃發於矟矢出於服隨刃而解應弦而中吾知其  
無所滯也故於其行賦此以贈

峩峩嵩高山泱泱洛川水山有栢與松水有魴與鯉之  
人蘊竒抱一出宰百里騎馬嵩洛間仰高玩清泚宜陽

古赤縣瘡痍猶未起子行職承宣況乃明政理努力答  
聖朝卓魯豈專美

安慶府

連山亘城西長江走城東岡阜紛起伏波濤爭怒雄況

覽古舒國永懷青陽公

余闕字廷心元忠臣

一旅餘敝卒千載當

兵衝狂瀾日以潰砥柱嗟獨崇弱矢繼蒿荆急檄通蠟

筒謀身貴食肉殉國思匪躬慷慨望西拜烈日明丹衷

封墓昭聖德建祠勵臣忠百年等一死千古留清風疇

能識公心願起文山翁

白沙山

放舟匡廬陰遙望揚瀾曲湖寬衆水鍾江窄雙峽束剛  
風吹白沙草木失青綠初疑雲滿山又似雪連谷深壑  
尚為陵滄波或成陸矧茲沙力微日與風相逐我聞大  
磧西風沙常起伏深者壕塹鑿高者岡阜築此事奚足  
疑泚筆書所矚

歐陽文忠公修

文忠俊邁才身值熙盛世侃侃樹忠節堂堂決大義文  
章擅家法浮靡振時弊四賢稱慶厯重輕實公繫補衮  
成天功荷橐褕國是平章五代史炳若春秋義天方昌  
斯文公獲申厥志臺閣詎為寵郡縣豈云棄所思在稷  
契君臣堯舜似六一漫自名醉翁聊自記汝南終老心  
西江敦本意風流與文采至今光後裔我來鄭公鄉懷  
賢增仰企崇祀屬多故揭虔慨無地低頭拜東山千仞

鬱蒼翠

文信國公天祥

信國英特才身值叔季時士類既推首相業良在茲鞠  
躬盡勞瘁天必濟艱危是時北風競腹脅離四肢青蓋  
已洛陽黃豔猶海涓大厦梁棟傾孰云一木支江閩戰  
屢衄星火勤王師妻子豈暇顧國家苦憂思一死不得  
遂兩縛馬足辭皇天暗白日大地崩四維益州運告終  
回谿翅空垂義節臣所仗成功天實為文山高義巍文  
水清漣漪忠魂識故路古屋遺荒基哀哉吟嘯集千載

金匱要略  
卷一  
有餘悲

和熙陽太史廬陵道中作

我本山林人偶作江海客及茲指南征頗苦炎暑劇溽  
雨暗江浦潦水日已積飛流出高樹栖苴在絕壁舟小  
畏湍駛石亂驚峽窄仰觀冰雪屋俯瞰龜鼉宅涉險豁  
壯心弔古悲陳跡江干彼何神縹緲留廟脊歲時走巫  
祝牲酒紛狼籍我行不暇禱風至即挂席但令飲量寬  
何卹吟骨瘠蒼莽江雲秋霏微山日夕候吏致慇懃慰



我遠行役吾生當有營匡時可無策天王今聖明萬里  
如咫尺外服廣懷柔內治深綜覈幸復際雍熙焉能守  
迂僻山豹隱霧文溟鷗振風翮納納乾坤大皦皦日月  
白願成越裳書庶以裨丘索

端谿

端谿西南流兩峽為之門萬石矗天起有若渴驥奔上  
無尺寸土草木春不繁焉知外犖确中有奇氣存嵌竇  
互聯絡水泉散清溫玄液入山骨靈質開雲根磨刀割

紫玉玉膩刀無痕文房一得之重價千金論我來正長  
夏山雨谿水渾採尋竟無所惆悵日已昏居人為我言  
母婢役者煩取石恒在冬水縮地氣暄百夫入深窰一  
二或可捫鸛眼自生潤未數瑤與琨吾生食破硯此物  
為田園歸途倘或致終感磨礪恩

廣西舟中

連山峽長江千里不一斷南通交廣域西接邕桂管竹  
樹深蔽蔚湍瀨多激悍林居雜衆猺水處絕羣蠻喜人

怒為獸撫循貴寬簡皇天祚明運穢濁均滌浣曾未煩  
戈兵先已入圖版畚耨與野蠶民喜無躡短我行持使  
節道路絕阻蹇頗聞北來士遊宦愁僻遠十人九物故  
嵐瘴嗟滿眼蝮蛇長於人蠹蟲毒於蠹蟥蛇點醢醬紅  
宿不敢飯苦言何戚戚中心因悵悵天地共一域風氣  
各有限朔南殊俗習川陸異物產江險不可堙山高不  
可挽土風固云惡善調亦已罕飲食當慎節起居在和  
衍心清體則夷氣正神自散修短有命存達人常坦坦

山果紅堪羞江魚白堪饌  
聞來惟酒醅醉後即茗椀  
臨風歌此詩聞者當一莞

嘉魚亭次韻

危亭敞華構飛闌俯層城  
羣峰多古色雙溪有餘清  
憑高恣遐眺竹樹如將迎  
蒼梧一何遠縹緲孤雲橫  
願言往從之塵土在襟纓  
嘉魚躍潛鱗幽鳥鳴新聲  
茲土雖信美我行亦有程  
詩招何水曹酒乞阮步兵  
朗吟叫仙翁拂劍同南征  
回首望遠島萬里弱流平

峒中婦

使有自南還者艤舟龍州江干見二婦焉一婦喜色  
見顏面一婦哭甚悲詢之則皆以被掠入峒一得贖  
歸其一未贖者也使憐其陷於獠也以白金三兩贖  
之將以給歸其親婦竊念家久無問不知親存亡否  
且於獠夫未忍忘情夜遂遁去使不復問噫使亦義  
人哉作峒中婦爲述其事

種樹莫種柳花飛不近枝生子莫生女骨肉終棄遺嗟

嗟峒中婦失身隨獠夷父母與兄弟八年不相知東家  
有鄰女今朝得贖歸一歸一未返慟哭淚滿衣官船誰  
家郎問之為歡歎婦泣且再拜蠻音致哀辭郎呼獠來  
前我贖免孤悲白金入獠懷健婦留江湄中宵竊心計  
故家或衰微親在猶足賴親歿將何依獠夫固匪良枕  
席久無違揆然夜奔去忍爾背恩私捐金實郎心重報  
寧汝期人情易反覆婦性輕別離古來丈夫士尚甘志  
節虧君看蘇李泣遺恨河梁詩

播村隘

溪洞有餘險播村扼南夷逕小石齒交樹古藤脚垂亂  
竹無人伐槁折何離披林杪天一竅雲密不得窺舉步  
即脅息間闢風磴危日夕未出隘我僕皆告疲嗟爾戍  
守人創殘百戰遺餘生亦何幸際此明盛時

厥里隘

疎雨度密樹秋暑未能清入林足雲氣隔竹多水聲十  
步一涉澗苔石紛縱橫僕夫失脚屢沈乃流潦盈陰木

總自斃恠禽時一鳴遠客在畏道落日豺虎驚前村喜  
近驛曖曖烟火明解鞍不暇食佇立嗟吾生

獠處隘

山行已厭倦況復多扼塞日南僻遠地實藉此為國暑  
雨溪谷盈深樹崖崦窄斷虹收晚照百里帶暝色獠人  
瞻使輶方舟齊衆力為言前朝初此地交兵革至今空  
山中鬼哭陰雨夕所願職貢修吾儂甘服役

龍州溪亭小集有作



旅懷感留滯朋情增鬱陶及茲晤語際少慰道路勞危  
亭入窈窕秋色何蕭騷野菊披山逕幽蘭滿江臯俯視  
霜露繁仰觀天宇高  
清歌發華席凝眸送輕舫山川悲  
九辯塵土嘆二毛何以不飲酒徒用心忉忉流光亦易  
失行樂隨所遭君看龍江水東流日滔滔

又得含字

季秋氣始肅風日猶清酣林亭愜幽賞復此停征驂涼  
柯商素發夕景嵐翠含興適恣沈飲喧遠諧極談安得

凌風翼遐舉南天南

贈張坦扶祖櫬歸閩

靡靡歲年邁肅肅鴻鴈飛霜露淒以下遊子悵懷歸江  
水東南流浮雲西北馳念子方在疚星辰中路違屏營  
把袂涕泗紛交頤子行勿夷猶努力及壯時表表樹  
先德榮名以為期

重登飛來寺得來字

招提翳蒼峽棟宇何雄哉飛樓壓雲起危亭俯江開樹

古閱變化徑側緣崔嵬晴峰儼如人為我度水來清心  
入幽迴曠視遺紛埃飄蕭風外竹的皪霜際梅孤嘯發  
靈籟微吟盡深盃豈無出塵想柰此征鞍催仰觀崕石  
刻其人骨已苔悠悠山水暉行行重徘徊

韶州謁虞帝廟

快雪過青澗初霞隱丹岡登臺望韶石乃在江之陽薄  
言薦蘋藻再拜瞻宮牆當宁儼遺像巍巍垂袞裳二女  
肅觀內四臣森侍傍緬邈懷明德伊昔勤省方薰弦播

淳音遐服被餘光儀鳳已高逝神虬尚深藏濯纓虞泉  
清振衣越山蒼千載過化地詠歸矢無忘

采蘭山之椒為達道監邑賦

采蘭山之椒山深路逶迤澗石嚙我足松露沾我衣愛  
此芳菲質步深遂忘疲有美絕代人宛在水之湄貌服  
肅修靚皎若幽蘭姿舉衽效瓊贈庶以永所思從茲結  
芳佩歲晏無相違

畦樂軒

種蔬東湖上雨過青甲長乾坤動生意萬物生輝光凌  
晨荷鋤斲毋使蔬根傷採之供朝饌庶飽藜藿腸豈無  
食肉者珍羞滿前行吾生安所分此樂詎能忘

權氏春暉堂

皦皦三春暉萬彙均煦育深恩類母慈拊畜還顧復  
所以純孝人名堂表衷曲堂前樹芳萱堂後種慈竹顧  
惟寸草心効報將安足春酒泛朝霞彩衣炫晴旭百年  
愛日誠葵藿信同欲太史行采詩凱風篇再續

璜溪漁隱為姜用晦作

湯湯礪溪水邈在渭之陽淺有鰓與鮒深有鱖與魴伊  
人事直釣乃獲玉中璜姬與呂為輔青齊國以昌寥寥  
千載後有孫育于姜璜溪學漁隱牧野慕鷹揚君子慎  
所履用舍隨行藏願持丹書篇獻之明聖皇

聽竹軒

塵居邇闕闥入耳皆市囂偶坐竹軒中便覺塵慮消好  
風自南來萬竿戛青霄秋聲落庭宇天籟鏘瓊瑤灑灑

雨初入霏霏雪紛飄蛟龍舞黃咸鳳鳥儀虞韶

愛日堂

親年僅滿百子有千萬期蒼蒼東隅日忽忽薄崦嵫所  
以孝子心睠焉惜餘暉長繩願終繫長戈願常揮庶俾  
桑榆景永照斑斕衣

陟屺軒

朱君純孝人宦遊古豐水有母在高堂鶴髮垂兩耳海  
雲天一方家山地千里水湄開小軒日夕歌陟屺啞啞

夜啼烏返哺故林裏睠惟寸草心效報將曷已顯揚實  
大孝溫清乃常理願言鸞誥榮千載光信史

賦得米石送子昭歸金溪

江干艤蘭櫂言登米石山上有蛾眉亭下有千丈灣偏  
懷謫仙人昔游水雲間玉堂不可留翩然御風還君今  
勇辭歸於焉越河關呼酒一酌之陳迹重躋攀雲林鬱  
嵯峨金川澹潺湲去去甘棄置逍遙樂餘閒

題愛慙軒卷



淒風動亭樹驚鳥啼故林之子在遠道永懷寸草心音  
容若著存悲愴孰能任仰觀昊天高俯視滄海深曷以  
報罔極涕淚在衣襟

林登州集卷一

欽定四庫全書

林登州集卷二

明 林弼 撰

五言古

題范文綱青雲別墅

靈峯出闌闌濯濯青芙蓉  
喬雲豁朝暉竹樹森扶疎  
中有隱君子憑高結茅廬  
植蘭被長坂引泉注清渠  
喧然市塵中有若林野居  
客來觴我酒客去讀我書  
人生貴

適意圭組將焉如

題望雲卷

英英天際雲有若遊子衣孤雲常在望遊子行未歸親  
舍渺何許心與雲俱飛願為故山樹孤雲日相依

送王子俊都司經歷

昔我少壯日躍馬青齊墟濟南我先里於焉久踟躕歷  
下亭已古趵突泉尤疏酌泉洗心目翹首天海隅送君  
憶壯遊念欲與子俱君行贊戎府兵政資謀謨四海方

牧寧邊鄙如庭除籌帷多暇日郵傳無急符持此三寸  
管制彼丈二艾男兒志功業惜別何區區君看東隅日  
忽忽薄桑榆努力及盛年終始慎勿渝

蘭雪軒

崇蘭被堂下積雪滿牆陰以彼潔白姿契此貞固心芳  
馨曾不改凜冽信能任君子尚貞白軒居幽以深因之  
發清嘯起坐彈鳴琴一彈猗蘭曲再鼓白雪吟蕭艾紛  
盈室塵土遮滿襟願子留深意千載返淳音

送沈部掾歸里

衡門樂棲遲  
考槃甘寤宿  
達士遺圭組  
幽人在林谷  
湯湯南湖水  
上有讀書屋  
胡為嬰世網  
言歸返初服  
游魚出芳藻  
鳴鳥集灌木  
於焉得真趣  
遽爾忘寵辱  
明當脫朝簪  
分子湖一曲

發安南

奉使豈無狀  
遠國方被兵  
貢物已上道  
陪臣反留行  
為言林邑人  
急攻安南城  
舉國出被難  
勅敵難爭衡  
此輩

舊卵翼前朝荷生成方物奉職貢附庸通姓名爰自歸  
版圖邊圉恒相驚安南古內地儒書守章程衮衣與博  
帶矛稍非所營疆場時彼此蠻觸何輸贏聖皇先有旨  
柔遠務息爭戕戕漢銅柱千載表南征天威倘一臨海  
山鏹可平所願邊塵息永被皇風清

舸齋詩

人生穹壤間有若虛舟浮所貴宦海中濟人闡深謀乘  
風破巨浪擊楫橫中流丈夫足壯懷志士多隱憂夫君

抱長材栽栽萬斛舟眼空江海天胸蟠雲夢秋齋居以  
舸名紀我萬里游開窓山歷歷推戶風颼颼流水遶門  
前嘉樹森屋頭依稀剡溪曲髣髴湘水洲攜杖動蘭漿  
哦詩間權謳時來奔走憩庶以清心眸人生有用舍行  
舟有去留野渡橫豈久巨川濟須舟雞鳴獨起舞雲海  
何悠悠

牧魚軒

西山曉來雨方池忽已盈芳草漾微波中有羣魚行晴



軒一俯視感我齊物情嗟爾遠靈沼何以樂其生投食  
俱失時插棘虞禍嬰幸免涸轍枯恒恐校人烹江湖非  
不大網罟紛縱橫逝將縱巨壑待爾鱗鬣成

青水洋

吳江東入海水與天色竝波濤堆琉璃一碧三萬頃曉  
黛浮空濛春藍漲溟津南泛浩無涯北接安有境莽莽  
合蒼靄翳翳沒白景鯨鯢聚窟宅天地設陷阱我行監  
漕貢睠言赴京省舟楫多艱虞行役增戒警望洋意茫

茫戀闕心耿耿緬思承平日皇風被溪嶺迢遞一介使  
萬里無寸梗云胡鞠荆杞周道莫驅騁戎馬方紛披廟  
謨賴維罄庶得近依光絕勝遙引領詎復憚勤勞乃遂  
忘忠鯁南風蓬底聲西日帆外影蕭蕭征衣裳薄暮有  
餘冷浩歌叫馮夷慷慨心目醒

黑水洋

吾聞黑水洋乃在梁雍域胡為東注海萬里尚流黑豈  
伊水深黝遠近一墨色舟師為我言北來此其厄風微

舟如膠風急舟若射每見黑風起坐見黑雲塞天地為  
黯慘不辨咫尺與尺過者必齋禱恐為蛟龍得古來奇丈  
夫夷險無所擇宗慤破長風思効報國力張騫窮天河  
克任開邊責王事當賢勞人生少安適惟願天戈揮九  
州剗荆棘履道達康莊傳命達郵驛譬之四體安元氣  
貫血脉海若斂風濤受職永無慝悠悠江湖心天南在  
天北

送葉子實之南安幕

離離原上草密密庭前柳游子一寸心故人幾回首春  
暉盪繁綠朝雨清宿垢駕言理征旆去去事升斗此行  
詎足念桑梓舊墟數種竹應成林植蘭已盈畝蕭蕭奉  
板輿怡怡酌春酒人生重榮養所志敦素守奇寶奚足  
稱修名諒無朽河海渺川瀆泰華空培塿願言高遠期  
珍重經綸手

送都潤士歸鄱陽

白雲在江東或在南山阿美人惜遠行看雲愁奈何驅

車適故道千里遙關河鳴鳥出幽谷奔鹿馴陽坡壯遊  
豈不好流景驚易過君子樂臺萊游子悲蓼莪明發不  
能寐去意寧逶迤湯湯彭蠡澤浩浩揚瀾波征飈挂長  
風蘭芷春香多酌子以卮酒侑以驪駒歌離憂勿擾縈  
壯心期靡他南山有喬松千尺長枝柯珍重凌雲姿清  
陰遍蓬莎

題松江釣者圖

輕舟何處叟坐釣松江湄松根繫我纜松風吹我絲青

山生遠樹白日明清漪但得酒可醉何愁魚上遲磻溪  
獵車至嚴瀨鶴書移出處孰得失問翁翁不知

上僉憲代林伯永作

熙朝右文德風紀資儒臣治效良在茲慎選惟其人君  
侯西州彥風起南海垠壯圖邈雲漢素學存經綸白日  
勤<sup>繼</sup>晷青雲思致身三獻蓬萊賦一躍龍門鱗遊鯢待  
風舉鰲螯須雷伸名登金榜曉宴錫璫林春榮祿一以  
厚所思在澤民黃堂重判筆剖擿如有神蔽垣飛舉早

楓闕承恩新擁節謝西楚驅車入南閩陽和藹寒谷明  
月當秋旻既攬范滂轡復埋張綱輪遂令騶駘質獲望  
騏驥塵菲菲衡與杜采采漳水濱芳菲未盈尺聊以抒  
微忱高臺有寒栢廣庭有長椿持此一寸草千載報君  
親

贈某主簿

兵塵起淮甸烽烟到閩陬郡邑多失守田里誰為謀不  
有英俊人孰憂我民憂明公濟時士義氣橫清秋鄉閭

歸保障民瘼賴以瘳履畝得公道團兵有良籌枌榆青  
樾繁桑麻綠陰稠遂令東鄉民耕鑿樂休休鸞鳳肅儀  
羽松棘難久留行將奮鵬翮萬里雲路脩捲海洗炎暑  
沛澤均南州

宿明極上人房分韻得客字

仲冬氣已肅幽懷耿寒夕走訪山中人聊共慰岑寂山  
人眼如月好文復好客揖客開竹房燈光四窓射為言  
時多虞車馬徒役役崇蘭汎餘芳踈梅粲新色鳴琴合



清歌香饌間重席薄酣情更好清坐心自適逝將謝囂  
紛於焉脫羈勒豈無一樽酒為子塵慮滌秋衣裁白雲  
夕餐煮白石玄鶴兮歸來山空霜霰積

代上人賦當字

塵居苦喧囂禪房愛清曠及茲淹信宿慮俱滌蕩是  
時仲冬秋南天寒未壯微雲忽已收薄霜猶可望從席  
羅嘉蔬開樽出清釀惟應効真率安用學排當形忘飲  
頗狂耳熱歌自放詩成一絕倒琴罷倍惆悵淳音風雅

前古調羲軒上哇淫雜桑濮雉雉牛鳴益願言復心聲  
千載起淪喪

上美叔知司

栽栽紫芝山湯湯柳江水嶷嶷陳知司長材抱奇偉華  
裾架雲霞芳佩襲蘭芷種薇山之椒栽蓮水之溪蓮香  
秋益清薇花晚逾紫草檄疾何痊出奇敵自靡艱難政  
需賢通濟況如子行當振家聲庶以光世美高步登雲  
霄奮身脫泥滓勿著從仕衫願聽尚書履

贈李一初

魯人

巖巖岱宗山道遠不可即悠悠黃河水源深杳莫測至  
人抱玄道高浚與之則我欲往從之瞻忽徒役役安得  
縱壑鱗願插凌風翼沿流載窮源登峰一造極夫君抱  
幽尚生此聖哲鄉清暉方被物旭日升扶桑豈不念遠  
道努力及青陽况復際清時肅肅宜高翔龍馬出滎水  
鳳鳥鳴周岡千載文明瑞願言揚耿光

五月上日奉陪梅所知司子實大尹洎諸友會於

黃氏讀書亭分韻得日字

積雨豁新霽清和美風日幽草萋以繁嘉樹蕩初密危  
亭肅清敞盛集任真率豪飲徂徠六能文建安七蘭香  
襲佩纓竹色映書帙於焉憩塵勞聊以慰煩疾僂俛曳  
長裾慷慨投巨筆役役著銜馬沾沾處禪蟲但願尊有  
酒此生醉中畢君看彭澤翁有田惟種秫

代贈陳仲福蘭盆會首

人生在穹壤百行孝最先墨氏知所本尤見心同然葬

親厚夷之救母哀目連陳君有媽齊至孝紹前傳首倡  
報親會心誠供佛筵金盤浮楮果玉盆吐青蓮遂令虫  
虫氓罔極思昊天結草念春暉薦菊悲寒泉賴人善錫  
類曾子幸歸全矧茲履霜露疇能效埃涓感君純篤心  
涕泗皆潛然名教力以植鄉閭化斯宣瀾瀾漳江水  
我霞山巔仁者必有後努力希世賢

書呂誠夫進士金環詩後為薩達道同年贈

皇帝二十載盜起東南隅蘗芽既不剪滋蔓遂難圖荆

吳虎兕逸閩粵狐鼠呼薩君濟時彥昂昂千里駒誓為  
國討賊愧死偷全軀投彼三寸管執此丈二叉轅門上  
籌策幙府叅謀謨孤軍懸深入殺氣塞盜區外無虺蟻  
援勢失事已殊攢膚交逆刃十死復九蘇從容就絏縛  
談笑視刀砭酷刑曾未施晚晚日已晡夜深忽作夢玄  
甲神丈夫示以金環兆驚寤悲喜俱神驥忽解繫文雉  
初脫學山空霜月寒凜馬駭狂奴迷途若或指獨行若  
或徒始知忠義士實藉神明扶生還偶得遂壯節終不

渝反側賴安奠強梗隨誅鋤呂侯好奇者作歌為揚揄  
願持獻天子載剖旌功符

奉次韓景昭縣尹移文封贈感夢二親之作

大鈞播羣品亭毒一元氣人得秀而靈中立配天地睠  
惟異禽獸實由識倫紀篤孝盡子職立愛自親始罔極  
終身慕不忘永心矢韓侯聖賢學魏公忠孝裔粵自英  
妙年已與流輩異顯揚企前修繼述念先世家聲振有  
期書澤流未已一官豈祿擇十年為親仕甘旨幸父存

鬢亂悲母逝得母諒已難事父當不易過庭習詩禮淑  
鄉敦德義善行遵聖經嘉言徵信史東隅光莫駐西山  
景何恃空興風木哀不逮菽水味古來忠孝門多出忠  
義士惟理所可為雖身不暇計擊楫祖述誓攬轡范滂  
志赤心但守一素節詎移二驛騎方南歸驚車亦東指  
香紅汎蓮幕新綠近榆里人欽喬神君職優習鑿齒宰  
邑應時需親庭思日侍我殺既有嘉我酒亦云旨莫能  
養親生曷以慰親死邑令得疏封天朝有常制紆朱秩



亦卑焚黃情愈至吾親苟與榮此官殆將棄白日書贈  
文孤雲凝遠睇萊堂痛椿萱鄧林慚杞梓子心一何悲  
親魂端可致清夢繞庭闈薄宦忘邊鄙恍若稱壽觴惚  
如奉盟器怡愉接父顏慈柔見母氏應效嬰兒啼猶作  
斑斕戲覺來憂思集淒然霜露履精神信交孚感召乃  
若此作詩載紀哀臨風幾揮涕我生在膝下亦有顯親  
意未能潘與奉僅得毛檄喜秋雨洒泉扃母魄已深閉  
春風謫家塾父訓幸聞禮詩篇誦一再心目頓清泚朝

盤欲忘食夜枕悄無寐脩名曾未立世味空復嗜振後  
以光前在此不在彼既無致身術曷盡為子理遺經絕  
編韋淡墨虛榜紙青雲孰唾手清泉思洗耳羨公孝有  
初生得奉滄瀨羨公孝有終死得三鼎祭錫類美潁人  
全歸善曾子忠孝豈兩途君親如一事大綱久淪斃類  
風政披靡願言力扶植庶以起衰替千秋萬歲名無愧  
賢與智

七言古

題吳希貴為徐將軍畫海青圖

黑風吹海海水立銀山萬丈高巖岌天吳簸浪天為濕  
蛟龍掀舞出復入羲和著鞭六龍急扶桑曙色光煜熠  
金烏飛上百怪蟄一碧萬頃秋可挹海東之鷲怒翔集  
片雪飄蕭雙翅戢浪花滾滾石潏潏攬身向日思遠及  
錦鞬金鉞不可繫憶我挂席東海東海雲海水浮空濛  
神鷲時來休雪羽玉立蒼石吹剛風吳君此畫將無同  
奇氣矯矯橫秋空將軍屏帳寧久容便當飛入天九重

駕鸞奮擊層雲中四野狐兔無留蹤

題錢氏鐵券卷

唐錢瑒武肅王強弩射潮事洪武二年奉旨徵至謹身殿觀之

剛風吹地九土裂仙李根拔孫枝折白馬不飲濁河血  
羅平妖鳥啼未歇斗牛萬丈騰紫光炯炯餘彩輝太陽  
鏡湖泚筆寫露布石室剖券分天章金為臣心鐵臣節  
臣身吳越心魏闕共悲羣盜竊神器猶喜諸孫存故物  
黃金樓閣高倚天寶氣白日浮雲煙電光忽開天為笑  
摩挲銅狄千百年君看錢塘鐵作箭潮頭東去江如練

箭鐵未銷券未磨帶礪山河當復見

題洪元質墨竹

今代畫竹稱妙絕李公息齋趙松雪天風吹墨落人間  
一幅千金香未減今君筆勢清且揚直與二公相頡頏  
千林露滴翠葆濕萬竿風拂琅玕長山齋晝閒快一覩  
錯落篆籀猶遺古鳳凰飛去蒼梧雲鷓鴣啼破黃陵雨  
人言無聲勝有聲畫思何如詩思清馮君為我寫梅雪  
歲寒結此泉石盟

贈寄雲道人

寄雲先生寄雲居與雲卜隣相依於白雲無心酷我似  
我亦浪跡真雲如閒來倚松看雲起紫煙衣上涼如水  
清霄沆瀣落水壺滿挹瓊漿和玉髓飲罷身輕隨鶴飛  
乘雲一去渾忘歸吾身與雲皆寄耳白衣蒼狗誰是非

題李伯時畫二馬圖

龍眠二馬人共誇連錢青驄白鼻騮雙韁短絲繫枯柳  
八蹄寒玉攢輕沙我疑鄭公抗疏日天廐雙龍賜遺直

又疑拳毛獅子花蘭筋權奇皆俊骨四郊無壘三邊平  
汗血謾作千里行君不見賤工棄置在一蹶得似身閒  
飽芻秣

題黃誠甫鐵樹開花圖

刺桐城西仙母家百年種德如種花春風吹暖滿庭院  
坐見鐵樹開瓊花瓊花的的簇丹穗仙母見之一驚異  
人名此樹狀元紅偶爾開花必為瑞阿兒讀書五車多  
解來瑞應期無他寫圖寄之喜欲舞題品直上金鑾坡

玉堂多士誇珍奇何異漢室生金芝  
赤花光照永春縣黃家瑞應無終期

題彥璋劉簿秋山讀書圖

龍川簿領山東劉家住營丘山之幽讀書山中松桂秋  
自言嘉遯勝宦游寒光落日低草樹綠野平蕪接蹊路  
書樓遠在山深處下視人寰莽回互有時清誦落澗谷  
山風蕭蕭壑雲暮山風忽吹牙籤落壑雲不掩紅光露  
世間清樂在山居人生真樂惟擁書山中擁書樂其樂



求如君者能幾歟梅邊隱君得隱趣執筆寫景成畫圖  
披圖浩歎非故吾筆楚未脫勾稽拘何當拂袖歸林廬  
攜書我欲君與俱秋山猿鶴驚相呼

慈溪孫氏瑞萱

慈溪邑中慈孝門云是孝感孫鍾孫朔風飛雪滿慈竹  
北堂愛日開瑞萱宜男喜見二雛好母也忘憂以終老  
庭下時紅棠棣花堦前不綠王孫草歌罷凱風三歎歌  
青天萬里滄溟深

阮信道家牡丹

市西亭館花若林牡丹一朵千黃金麗華朝倚望僊閣  
天下美人皆陸沉東風枝頭滴紅露春意不如花意深  
主人剩勸竹葉酒飛作彩雲何處尋

贈祁山居長老

豐城小巷口  
香社寺僧

劍江東望山如龍水勢曲與山相從山盤

音周

水屋

音質氣

所鍾

山曲曰盤  
水曲曰屋


山居山人居其中碧眼白首顏如童長

日跣趺坐高舂懸河大口談空空寶花散落隨天風萬

年香社人所宗千章喬木陰重重崢嶸華構交青紅我  
來作邑豐水東思懷瓣香加敬恭我本有髮老僧翁誤  
落塵網徒匆匆淵明結社意亦濃但恐酒狂不相容作  
詩先此詢遠公

送李廣文歸鄱陽

王羅廟前江水流鯉魚風起蘋花秋美人錦帶珊瑚鈎  
釣竿歸去明月舟腰間寶劍三尺雪蒼龍夜鳴紫光掣  
酒酣起舞心耳熱一曲滄浪水雲裂



林登州集卷二

欽定四庫全書

集部

林登州集卷六

三至

詳校官鴻臚寺少卿

臣梁景陽

中書

臣劉源溥覆勘

總校官庶吉士

臣何思鈞

校對官中書

臣王家賓

謄錄監生

臣朱學源

欽定四庫全書

林登州集卷三

明 林弼 撰

七言古

大勝驛阻風

龍江驛前連日雨，風帆暝投勝河浦。  
風高急雨浪如山，舟子魂飛客心苦。  
客心莫苦行路難，百年身世誰獨安。  
君不見玄真子釣游之樂樂未已，扁舟猶在風波裏。

過采石

謫仙昔醉采石時酒翻宮錦春淋漓  
眼空四海無餘子江風江月吾心知  
江風吹酒酒不醒舉杯邀月還對影  
願將江水變春醅一醉千年長酩酊  
雲卧八極凌倒景人間萬事何足省  
夜郎歸來逾五嶺逸才壯志嗟不騁  
丈夫胸次存耿耿有酒不飲真不幸  
我來酌酒江之濱春草幾綠三尺墳  
當年有孫為收骨捉月之說誰爾云  
騷魂已遠招不得千年相對空相憶  
浩歌一曲清淚滴

江水滔滔風瑟瑟

舟中次熙陽編修韻

大通驛前大江滿  
星槎有路通交州  
川雲映水白可染  
浦樹過雨青欲流  
奉詔漢臣愧陸賈  
能詩越客如湯休  
同舟況有同心侶  
買魚酤酒吾何憂

姑山行

小姑水中立  
大姑水中眠  
獨立不僵眠  
不醒俯仰一萬  
二千年江前  
大彭郎山上  
五老仙阿姑  
與爾相盤旋  
蓬



萊弱水幾清淺王母眉黛秋霜鮮阿姑顏色猶依然我  
疑銅仙人手揭金莖墮江邊又疑達磨師足遺隻履歸  
西天人間百歲春夢短長眠長立嗟無緣小姑大姑真  
可憐江花江月恣留連巨鰲戴其趾玄鶴巢其巔江流  
如箭石不轉千古萬古無崩騫安得羽翰凌八埏時來  
游戲姑山前與姑同壽一萬餘三千

和王太史潯州遇生辰之作

攝提貞泰粲星七奎文流輝炯如日括蒼之山氣鬱鬱

山在鍾清毓粹餘四表先生生世良不惡讀書靜觀世處州

得失丘園賁帛徵遺才石室紬編膺峻秩今年奉旨使  
日南山川涉歷難一一旅途忽屆初度期中夜喜得新  
夢吉覺來深念劬勞恩憶昔常在父母膝祇今二親弗  
可見每至茲辰愁復結江城酒美君莫傷山驛詩成我  
能筆親恩廣大當效報王事馳驅敢求逸木綿八月開  
瘴花西風滿帆應到家古來忠臣即孝子王遵叱馭張  
乘槎

恠石

粵西山水之窟宅山妖水恠鍾奇石巨靈戲擘真宰惜  
野火不斷波不泐千仞壁立萬鐵積往往猶帶太古色  
嵌空幽窈誰削刻望中常在雲雨黑龜鼉出沒鱗介浮  
虎豹踞蹲牙又礫古苔暗蝕春雨痕細草晴薰曉雲脈  
翠屏巖巖靜宜對青空點點光可摘我生亦有米芾癖  
幾欲再拜向蒼壁但恨移置不可得山齋花嶼成岑寂  
平原人去空荔薜艮嶽魂歸失松柏鬻賣曾無再世留

運致何勞萬人力  
天生物性貴自然  
玩物喪志真無益  
江干林麓時一見  
未必不如臺榭側  
此言試問石丈人  
定應點頭答行客

次韻王編脩九日趙守禦置酒長句

左江溪洞龍陽底  
外與安南接疆鄙  
安南方物貢王廷  
路入中華自茲始  
一從臣表至南京  
使者往來相踵趾  
趙侯守郡當孔道  
迎送不憂每加喜  
我行持節夏秋交  
風雨瀟瀟滿江水  
慙慙郊迓更遠出  
踧踖晨叅常早起

感君屢開北海尊愧我久留東郭履歸途忽遇重九節  
蠻菊未看三兩蕊散核駢羅眩醉眸管絃幽咽清塵耳  
盈盈秋水映芙蓉淅淅天風吹桂子華筵賓客皆芝蘭  
故園山川有橋梓登高作賦驚一時世職安邊傳百祀  
莫言使節如貫珠須信天威不遠咫四海混一三陟清  
願同擊壤康衢裏

望成山

東南海水浮天地千頃萬頃波無際舟行旬月不見山

忽見青山欲流涕，青衣赤髮黃帽郎。吳中最能稱最強，  
見山起舞索酒飲。衆工喜忤皆若狂，云是成山東海陽。  
鐵山一髮遙相望，樓船直駕山中央。依稀可見齊魯疆，  
潞河沽水已不遠。願豁喜目寬愁腸，憶我昔日觀國光。  
東登岱嶽臨太行，龜蒙鳧繹在眼眶。海雲海水相蒼茫，  
十年壯遊三萬里。觀嶽無山海，無水祖龍石刻空莓苔。  
小白堂封幾荆杞，安得海水化甘霖。淨洗寰宇清氛祲，  
相如早與論封禪。金泥玉檢昭來今。

和理夢中作

神山三島高從從弱水萬里流淙淙紫貝為闕珠為宮  
仙人環侍金玉童我侯好生德彌隆帝令下與民阜豐  
漳南廟祀優褒崇一壺靈藥康濟功千秋香火神感通  
應物無心霜鏗鐘及人有澤雲從龍幽贊造化冥漠中  
先後送子大小馮功參司命渺莫窮我來對越加敬恭  
脩然塵慮空心胸授我吉夢煩神聰有煒二簡詞藻雄  
覺來清明氣在躬山青月淡烟空濛恍惚仙佩聲琤琮

春風一笑出王公採芹泮水波溶溶安得插翮追長松

題秋浦捕魚圖

秋風吹溪溪水寒長楓落盡枝頭丹漁郎舉罾得雙鯉  
烹魚煖酒歡婦子江亭有客秋望遙青烟漠漠山迢迢  
沙頭落日呼渡急舟子無言倚篷立誰其畫此老稚川  
使我一見心茫然依稀艤櫂涔陽浦髣髴開樽采石渡  
安得坐我茅亭中葛巾相對三老翁買魚沽酒燒野荻  
拚與渠儂醉終日



贈商橘所

吾聞四老商山隅采芝茹草歌唐虞一朝片言翼漢室  
九鼎垂覆隻手扶又聞橘中有二叟其樂不在商山後  
乾坤不改日月長局棋相對何勝負商君元是商山英  
種橘作所名以稱雲根三秀青草暗州外千頭紅照明  
拂衣石竹巖前月躍馬黃金臺上雪九重樓閣虎闕深  
萬里風雲鵬路濶玉堂仙侶知己多謁來天上聽鳴珂  
白袍簪筆立溫室金匱細簡登鑾坡新豐斗酒歌一曲

御溝十見柳條綠燕霜已敝季子裴洛水誰推賈生轂  
高堂歸去鶴髮新袖有薇櫟堪娛親人生出處貴適志  
官秩崇卑何足論三華洞口山如戟日倚長松看秋色  
杏邊瑟罷石壇香藻畔墨餘池水黑我生江海氣不除  
十年書劍遊清都明時漫學采芝隱壯來擬遂攀桂圖  
作詩贈君憶疇昔汗漫相期須努力明朝攜手釣龍臺  
雲繞三神天咫尺

題溪聲月色圖

人間無價雙白壁，月色溪聲共寒碧。  
暮雲卷翳天茫茫，秋水生波風瑟瑟。  
道人興與庾公高，扁舟載月凌雲濤。  
洞簫赤壁漫鳴咽，琵琶潯水空啾嘈。  
何如二美足觀聽，鏘鏘鳴璆掛明鏡。  
潺湲可洗巢父心，嬋娟解照潘郎鬢。  
一機石動鷗鷺閒，清景却向圖中看。  
晴窓為君一披拂，耳根眼睫生秋寒。  
我生江海歸未得，山月溪風總相識。  
明當重賦招隱翁，從子藍橋訪仙跡。

次韻贈竺芳上人

竺芳上人張旭徒酒酣喜作聯綿書千軍筆陣氣不除  
百尺霜蔓神不枯鐘彝石鼓迹可摹跟肘詰曲相盤紆  
上人馳騁分隸餘腕指所至心意俱太書雄健虎負嵎  
小字清麗川藏珠既不太縱亦不拘此道奚用分墨儒  
人言我書閩南無每對筆研增噫噓千年篆籀變須臾  
競逐姿媚何區區俗耳厭聽于為于淳音遐想太古初  
吾師高步先哲衢懷素智永相奔趨一笑嗜好醎酸殊  
會令紙價高東壺淋漓醉墨烟雲如榴皮謾寫東老之

金華洞人  
卷三  
酒壚

贈碧溪道士

金華洞中牧牛仙  
叱石飛去三千年  
却騎白鶴下人世  
溪雲山月相留連  
青蛇三尺滑秋水  
白日風雷生袖裏  
綠章扣額箋天公  
鐵檄役兵驅旱鬼  
南州三月土烟生  
坐見春野無餘青  
都將精意幹元氣  
要使憔悴回欣榮  
我聞神仙足官府  
蒼生蘇息無辛苦  
願師擲劍碧空中  
大沛江淮洗兵雨

壽上人

豪山高處看南極壽星煌煌明佛國山中佳氣曉鬱蔥  
十丈喬松拂秋色山人似是廣成仙麻衣如雪巾如烟  
朝食霞光禮紅日夜披雪意看青天紅日表爾千金相  
青天弘爾千頃決佛燈祖印妙心傳力與明門作龍象  
旃檀一瓣為南豐祥烟願遍八閩中後三千歲從赤松  
上祝聖壽天與同

贈美叔掾郎

黃堂紫府多神仙畫戟森衛香凝烟美人風格野鶴似  
高步迴出雞羣先日長粉署綠陰滿玉立東風珥銀管  
綵衣香染垣薇春翠幕清臨水花晚青梯紫閣日躋攀  
仙翁一笑開春顏壺中自有飛騰藥何勞薪水燒九還  
丈夫三日當刮目安能混迹在塵俗君不見華山老隱  
君時來召對黃金屋

代贈洪氏設齋供

羣山東鶩如飛龍文山孤峙高凌空綠水環遶青芙蓉

中有貝闕蓬萊宮華光五帝遊法窟四月八日叅前佛  
一天花雨散曼陀滿地香雲靄祥霽山前車馬襍還來  
綺羅十里紅紫堆多君傾橐具清供春風士女歡顏回  
須知作善神所福果報兒孫今可卜要將事業繼三洪  
豈但芳名在鄉曲

壽員外長老

羣峰天寶西飛來茂林幽壑相縈迴福山中峙太古色  
紺樓碧殿凌雲開雲間一珠光萬丈圓外瑩中明月相



森森寒彩凜夔夔炯炯神毫肅龍象始知此寶天下珍  
山輝川媚草木春瓊花一孕開曇鉢紫芝三秀生法輪  
福山高與壽山列蒼松不凋椿不拔山中酒熟桂花發  
年年来醉中秋月

長歌為靜山太醫李君贈

靜山仙人李耳孫濟世善學李少君神樓一教妙天下  
千載道檢流清芬世間桐君與竹祖誰與巔崖蘇疾苦  
我時分節向南來相逢一笑漳江潞萬金良藥雙玉壺

刀圭取效瘡痂除生平心鏡澹如水照人熱惱埃塵無  
我欲贈君無長物撫劍長歌對明月東風珍重杏林春  
吹作漳南瘴鄉雪

贈溫縣尹

雙溪水遶新縣綠溪上桑麻春雨足雞犬不驚牛犢閒  
野人笑語喧溪屋縣有賢尹溫如玉知我民情諳土俗  
陽春布澤百里均不問深山與窮谷木樨無瘴烽無烟  
公館瀟洒如神仙松邊拄笏看山色竹外援琴聽澗泉

黃童白叟思借賢鼓舞春風又三年會稽未羨畫錦旋  
玉麟金虎看晉懸

其二

南邑如斗事如毛況有連歲兵旅勞溫侯曾有文武韜  
撫民練兵無繹騷三年去思民願借共分得請徽垣下  
政綱綜治無紊煩民瘼補苴罔漏罅棠梨滿路花重開  
喜見竹馬兒童來三尺神光射星斗一扇仁風清瘴霾  
驥足豈能淹百里暫布陽春到桑梓明當五邑蘇巔崖

恩波浩蕩雙溪水

君仁掾郎榮膺府檄政贊邑琴敬頌俚謠少伸賀

悃

雙溪溪水清見沙溪梅燦燦冰玉華美人元是西湖家  
嚼梅飲水溪之涯霜毫不寫香影句揮霍春風滿棠樹  
溪堂玉立聽鳴琴人比梅花更清素東風有意相溫存  
南枝北枝花正繁願借桃李朝露恩松臺薇省先移根  
仙人謠次達道鑒錄韻為一笑之戲

仙風吹雲散瓊香玉輪軋露融素光霓裳飛動金玲瓏  
一聲驚起鸞鳳翔芙蓉池上西風早青鳥無音天官官  
翠光濃入秋水寒黛痕淺與春山老千年蟠桃幾開落  
三偷奈此小兒惡綵絲未斷塵俗緣黃金空鑄相思錯  
君不見有虞帝子來瀟湘洞庭水綠梧山蒼淚痕有盡  
愁思長向來斑竹多秋霜

古心上人顏其禪軒曰愛松林梅隱氏為作圖索  
余賦詩因走筆題之

山人愛松苦成癖繞屋盡是蒼龍鱗長哦其間日不足  
更尋梅隱為寫真摩挲素壁光於雪錯落金刀交屈鐵  
玄豹毛生霧雨寒老蛟爪擘山石裂瀟疎似是寒濤驚  
恍惚已覺涼風生徂徠山下雲黯黯太華峰頂秋泠泠  
古心山人貌亦古矯矯蒼松宛相似何當結取雲邊巢  
從師叅透西來意

四禽詞奉答顧孟仁

孔雀

有鳥有鳥生海南昂頭短喙修尾穆東風吹動羽毛暖  
一團蜀錦空中展誰知美色能誤身失機却墮羅網塵  
雕籠綵架閑白日綠窓繡戶深青春雄雌強作交頸舞  
天地樊籠隨所遇空閨猶有獨宿人門掩梨花淚如雨

玄猿

黑衣公子居林丘黃頭王孫非阿儔空山月落松露下  
時與玄鶴鳴清秋山人不歸今幾載夜帳空兮怨蘭茝  
一聲啼斷巫山雲竹枝歌裏愁如海巫山之高高摩天

雖有長臂難扳緣前林霜果已垂赤好從爾羣高摘實

野鶴

野鶴野鶴儻骨削縞衣不受緇塵着朝刷滄溟桃浪深  
夜警空山松雪落忘機每與鷗鷺親高標豈是雞鶩羣  
千年獨歸人已換九皋一聲天亦聞雲林整爾寄栖止  
風翮終當翔萬里可憐青鳥俗未除白日傳音下瑤水

鴻雁

嗈嗈鴻雁肅肅飛秋風南征春北歸分行已深兄弟念



哀鳴復重民生悲吳江水深楚雲斷美人銀箏動清怨  
忍將尺素寄遠遊萬里遙天寸心亂西風冷入蘆花秋  
稻梁晚歲難為謀瀟湘祇今多旅客有聲莫度岳陽樓  
徐梅所知司席上以榴花命題分得萬字

藥巴飲酒空中噉屏翳疾驅回祿遁火鳥無數西南飛  
化作榴花赤光噴南風五月庭院涼滿地雲陰覆烟蔓  
眼明見此珊瑚枝猶信羣芳未荒頓猩紅綃巾曉初感  
血色羅裙春未褪芙蓉開遲不復怨海棠香減寧無恨

謾憐地僻車馬稀空歎春歸蜂蝶困人生有花且對酒  
一舉金觴須百勸移根當得乘槎騫作詩喜有梅花遜  
君看上苑芳菲時紅紫東風自千萬

齊雲亭奇石歌

何年星芒化山骨古色蒼顏勢崑崙就中別有混沌天  
萬象森羅了毫髮府公移置齊雲亭一府來看零陽屏  
蓬萊清淺隔弱水君山晻靄浮洞庭我疑太陰照天地  
山河倒影搖丹桂又疑明河瀉九天斗牛騰光通劍氣

公餘對此獨躊躇咫尺萬里論江湖幽篁古木在眼底  
何用人間俗畫圖

丁酉九日次徐梅所知司座主韻

四時清景惟秋九斗酒何妨詩百首蒼蒼白露滿蒹葭  
淅淅涼風動榆柳一年佳景惟重九晉代風流誰踵後  
野萸垂紫映華簪籬菊開黃出豐蔀歸田未許游宦人  
登山喜得論文友季鷹江上足蓴羹陶令山中有松酒  
人生自古貴適意塵世於今幾開口勸君西風一百觴

祝君南山千萬壽丈夫氣岸在雲霄為我胸懷洗堆阜  
奉次栢軒先生韻為梅所徵君壽

憶我昔日遊吳東陳迹曾訪孤山翁梅花千樹湖水曲  
茅堂半畝梅花中別來歲月幾流易一見梅花興無極  
東山東畔西湖西千載清風只如一不須此地感今昨  
且向南枝觀復剝野橋石出水未生江路雲凝雪初閣  
主人自是神仙者藜杖葛巾花樹下寒英疎映霜菊明  
老幹斜依風竹亞天生嘉植真瓌奇古來幽士多愛之

今人已追古人躅後人行復今人追梅花於人元耐久  
百年對花當對酒願傾北斗為君觴更指東山祝君壽  
和南圃老人龍巖書事

蒼巖百疊樹交綠石棧九折車失軸山脊忽斷峽山來  
小溪新水流寒玉溪上茅茨兩三屋野人足音喜空谷  
開門迎客敬三肅壺有香醪盤有菽自云今年雨雪足  
山稜夏收稻秋熟稻可酒兮稜可粥生來城府無軌躅  
德公畊岷鹿門麓子真桑麻谷口曲但令食飽與衣燠

不慕輕裘嗜醲郁我聞此語淚盈掬澤國干戈嗟滿目  
商山采芝忘寵辱武陵種桃謝塵俗溪居便向野人卜  
馬蹄安用浮世逐採山釣水畊且讀不管人間忙禍福

雙栢軒歌為黃君復院長賦

黃君開軒紫山曲手植雙栢如雲綠南風吹雨生夏寒  
兩蓋清陰覆書屋摩挲老眼四十年龍枝鳳葉俱蒼然  
春陽庭階已競秀歲寒冰雪應同堅君家況有徐卿子  
風骨嶄嶄雙栢侶聳壑昂霄看異時長材大用從茲始

我來徑造軒之中開樽愛此陰重重昔聞彭澤醉五柳  
今見藍田哦二松皇天不惜栽培力移根好向烏臺植  
西齋酒醒月在天為君起舞歌雙栢

林登州集卷三

欽定四庫全書

林登州集卷四

明 林弼 撰

五言律

次韻楊秉中縣尹春日病中迷懷十首

謾道春來好愁多日更長  
看蝸知勝負聽燕識興亡  
風雨五更夢雲山千里望  
濁醪吾爾愛能滌九迴腸

其二



竹牖春風外柴門暮雨餘  
尊無陶令酒架有鄴侯書  
舊業俱荒落閒愁莫掃除  
白頭依狗監慚愧馬相如

其三

海宇開新造山林起久跼  
夔龍時接武巢許分投閒  
燕乳草生巷鶯啼花滿山  
臨風時一笑鬢為賦詩斑

其四

彭澤先歸去湘江後卜居  
紉蘭誰復佩種秫自能鋤  
老醜慵看鏡窮愁獨著書  
且須相覓醉燒筍鱸鱸魚

其五

山雲白蒼莽江樹綠參差  
弟妹幾時見家園十載離  
沈腰常減帶潘鬢易成絲  
苦聽竹枝曲教人坐石遲

其六

憲竹晴逾靜庭花煖自開  
客閒時共對鄰熟許移栽  
司馬元多病襄陽豈不才  
石田與茅屋歸去未荒苔

其七

白頭逢喪亂愁絕浣花翁  
不道兵塵苦猶存詩句工  
深

春憂肺病遠道愧囊空待得茅堂就歸來萬事慵

其八

南國江山舊東風紅紫新醉來忘避地老近怕逢春曾  
是菊松主還如草莽臣無窮懷古意清淚滿衣巾

其九

自笑塵中遂能存亂後身春如人漸老時與物俱新每  
有乘槎意長懷擊壤民牀頭書劍在吾道未全貧

其十

我本耕耘者春疇憶種秧岸低新水上泥潤細苔香呼  
酒柳邊店留詩竹外房年來清樂少枯坐學顏忘

題王佐山人畫

山光雜空翠雲影澹晴暉古渡舟誰繫虛齋人未歸石  
苔秋雨積野樹晚風微便欲拋塵事垂綸柳外磯

題王廷珪畫

秋色晴山迴烟光野水連空林輞川外古樹草堂前天  
地留詩卷江湖老釣船美人隔雲漢對此思悠然

十八灘 三首

谿竹亦多景詩句每無難雲淨山爭出湍驚石自安旅  
懷拚酒盞生事愧漁竿猶覺壯心在孤舟十八灘

其二

萬壑荆閩接雙溪章貢來風聲隨雨散水勢與山迴石  
蘚痕痕合巖花點點開客心渾似砥灘怒謾如雷

其三

十八灘頭路三千里外身如何滿船月常照異鄉人神

劍占新氣仙槎問舊津小臣重王事陟險敢辭頻

英德舟中

舟行湏峽裏景似左江中峰峭千層石谿回一隊風瘴  
雲寒漸白野燒晚猶紅已喜詩囊富何愁客路窮

江西送郭中敏還廣東

使節江關外歸舟風雪前同來憐遠道別去惜離筵草  
綠曾遊地苔荒舊種田越臺回首日春滿五雲天

除夕

今夕復除夕難為守歲謀江山非故國風雪尚孤舟楫  
拙紅生面梅花白上頭窮年未歸去莫怪杜陵愁

人日

皇天調光霽野宇遍清明風岸初舒柳楊林欲嘯鶯昇  
平應有象邊報永無驚野老憂心釋詩成酒滿傾

彭澤重登潮音閣追和陶叅政韻

神姑近可即天女邈難攀飛閣虛空裏疎鐘杳靄間潮  
迎歸越海雲渡隔淮山擬學禪棲樂何時身乞還

平南縣

舟泊平南縣江干得暫閒水添今日雨雲失舊時山禹  
甸連三楚秦封入百蠻清時無畏道容易越河關

題林德仁永思堂卷

吾宗昔旌孝雙闕儼猶存甘露降林木白鳥棲墓門永  
言思阿父今復見諸孫幸得慈帷下均酬罔極恩

羅時用之浦江縣令

小邑邊西北兵餘貴撫摩但令息愁嘆漸可化絃歌隴



樹春猶在秦雲夏更多懸知官事簡日對二松哦

題小林居圖

幽居學林隱宴坐息塵營蘿月開牕色松風敲枕聲山  
花多結子野草不知名寄謝朝簪客能同丘壑情

竹居

昔與宋中使時來竹外居秋聲滿牕戶晴影落堦除煮  
筍常兼肉裁竿或得魚愛君幽遯處直欲世情疎

梅屋

我屋梅花下君家梅樹傍  
小池橫瘦影幽戶送寒香  
歲晚竹松節春寒桃李場  
知君有所擇歸隱得相將

望雲圖

子役勞親念親遙渴子思  
望雲千里目陟岵一篇詩  
碧嶂清江路祁寒暑雨時  
看圖思努力他日顯揚期

題孫積中哀劬賦後

我甫居祥日君初失恃年  
長哀同念母不弔獨號天  
山北雲迷舍溪南月浸船  
慈顏渺何許悲涕共潸然

題方廣圖

未識天台路欣披方廣圖山靈時聽法野衲日跏趺貝  
葉松風亂蒲團石榻孤烟霞有餘樂還念世塵無

芝峰僧舍次謝君定韻

偶借僧房宿都忘驛騎塵松聲半窻雨草色一庭春傾  
倒逢今日棲遲愧此身清朝需董賈莫作采芝人

和胡梅所除夕述懷之作

今夕又除夕更闌未愜眠江湖猶故我廊廟正需賢暖

散嵩華雪寒銷楮烟屠蘇明日飲鶴髮喜添年

題雪齋夜讀圖贈別呂宗周

空山半弓室長夜一編書嚴風吹北牖飛雪被前除幽  
燈素光射清誦寒聲俱游心百世上努力十年餘

至正戊戌春季道甫過方遂初縣丞翌日至興化  
邑訪邑長實達道醉中偶作

夜宿縣丞家朝過邑長衙故人頻勸酒醉客急呼茶雲  
薄見春樹山深留晚花董園猶在望新雨足桑麻

七言律

答胡梅所菊節有懷

秋懷耿耿鴈能知  
節物匆匆菊較遲  
袖裏空存三禮賦  
尊前莫詠四愁詩  
及時聊復成歡笑  
感事多應入夢思  
為問空湖山下叟  
把萸此日共伊誰

其二

菊花要結歲寒知  
為愛梅花開故遲  
彭澤歸來空嗜酒  
杜陵老去強題詩  
雞鳴風雨五更夢  
鴈落江湖萬里思

三十潘郎蒼鬢改故人相見問伊誰

問胡梅雪病併想山居之樂

閒居賦就鶴書徵結屋蒼岑第幾層松酒山中何日熟  
竹樓雨後共誰登忘形定有漁樵侶淡況應如雲水僧  
屋角梅花無恙否客來想已送迎能

其二

似與林泉有夙期興來雲月總心知菊花黃後客攜酒  
蕉葉綠時僧寄詩醉臥不妨風滿袖苦吟未覺雪侵髭

石田茅屋如相借來傍寒梅采玉芝

予友李君彌卜居東郭脩然自樂錢君孟道為作  
圖題曰東郭獨隱索余賦詩便為書此

東郭先生愛幽獨茅堂門對碧山春溪旁展席尋鷗伴  
松外開窗與鶴隣淺水稻田環綠遠輕風花館落紅新  
勞生擾擾知何用汀樹川雲入夢頻

贈冲和道人

三神海上九仙山分得松房第幾間龍劍驅雲行雨去

鶴簫吹月御風還偶因耽酒春過市應為傳書晚度關  
紫府丹臺名可注壺中從子及身間

三衢程君璋氏訪友臨漳將歸賦此以贈

三秀峰前采玉芝高懷遙與白雲期江山滿目荊州賦  
風雨連床杜曲詩萬里滄波鷗浩蕩一庭芳草燕差池  
歸來城郭人民換任爛長柯且看棋

題張櫟里畫

屋前春水綠如醅屋後春山翠作堆有客抱琴門外立



何人騎馬樹中來  
西齋酒盡猶留月  
東郭詩成欲放梅  
三絕廣文誰賞識  
為君海上望蓬萊

送伯千之北上

元戎邊畫屬誰籌  
公子烏臺舊俊游  
阮掾久聞三語譽  
寇君重借一年留  
馬蘭花發迎官道  
駝柳條青落御溝  
尊酒懷人何夜月  
五雲深處最高樓

送友歸永嘉

平遠樓前遠望勻  
美人遙憶鴈山春  
女桑綠遍蠶將熟

穉麥青齊雉正馴  
齋閣堆床留魏笏  
賓筵漉酒有陶巾  
西風無限南來翼  
好寄新詩莫厭頻

題南樓

樓對員山亦壯哉  
時憑高處望蓬萊  
滄江雲起九龍舞  
華表月明孤鶴來  
林下茅茨新聚落  
水邊楊柳小樓臺  
太平不用籌邊策  
獨倚層欄賦雪梅

偕洪元質遊南巖

紫雲邀旆出城南  
風物依依真語巖  
山石滑人行蹶躓

野禽怪客語咕喃秋江遠水生葭葦落日涼風舞檜杉  
晚對屏前吟未穩不知空翠濕青衫

別章仲明用前韻

此日清遊雲洞南明朝遠別鶴山巖汀洲水落鴈初下  
海國秋深燕尚喃驛路風烟連細柳酒家籬落隔青杉  
薇垣好展神仙步莫遣緇塵上客衫

題漳浦白鶴嶺有引

昔余過漳浦白鶴嶺頗愛山水之清廓而惜其亭宇

之蕪廢今年秋重道此見其蕪者治廢者起金碧相  
射華竹交映壁間題曰石竇寒泉響玉微聞雲出岫  
繞松扉一從白鶴高飛去栖碧亭空鎖翠微乃邑簿  
陳致中新構此而紀其勝也俛仰陳迹竊於末句有  
感焉因為起語以寓興懷

栖碧亭空鎖翠微詩成人世已俱非墨池水暖鷺誰換  
華表雲間鶴自歸樓倚仲宣休作賦碑思叔子故沾衣  
古來陳迹知多少立馬西風又落暉

過盤陀嶺

盤陀嶺上幾盤陀茅竹蕭蕭雨乍過水暖游魚奔絕澗  
草香馴鹿食陽坡怪山當面疑迷路啼鳥迎人却和歌  
總為世途多險惡太行蜀道復如何

芝峰月夕次韻性元上人足成茶溪公口占之作  
風滿空林月滿山無詩堪笑老方干洞雲晚散龍眠穩  
松露秋高鶴夢寒賀老鑑湖先賜勅陶公彭澤早辭官  
他年分我半間屋待向芝峰絕頂安

次徐梅所座主訪龍江書院有感之作

訪古歸來山月孤  
紫芝峰影落平湖  
千秋統緒存方策  
萬國提封入版圖  
遼海鶴歸空露柱  
滄州月落滿霜蕪  
何時突兀千間厦  
風雨如山大庇儒

再用韻二首

試問龍江讀書地  
何如鹿洞與鰲湖  
梵宮已作新輪奐  
郡志空存舊譜圖  
碧玉峰前移老檜  
還珠門外剪寒蕪  
記文自可徵千載  
太史虞公國鉅儒

紙帳更長月影孤梅花清夢繞西湖左思才擅三都賦  
諸葛名成八陣圖漢殿丹青俱寂寞吳宮花草易荒蕪  
白頭杜老謀生拙却道儒冠解誤儒

丁酉元旦

海氣蒼茫曙色低扶桑枝上聽天雞先搖旗旆龍蛇動  
班簇衣冠鵷鷺齊重譯來庭通桂海中興有頌勒浯溪  
老翁喜見豐年兆自典春衣酒滿攜

其二

斗杓入夜指東寅  
雨脚凌晨灑瘴塵  
北闕天高先見日  
南州地暖早知春  
獨憐丹嶼思歸客  
曾是瓊林錫宴人  
江海此身強健在  
何妨魚鳥日相親

和韓南勝二首

白鶴山前舊草堂  
重來吟鬢已添霜  
花城衙放雨初歇  
竹寺詩成日正長  
木蕈作羹流筋滑  
溪魚釀鮓透苞香  
野人喜見昇平象  
桑柘連陰古戰場

其二



卷四  
躍馬燕臺憶壯遊東風一笑紫雲樓杏園設宴慚魚尾  
蔥嶺封侯羨虎頭燈火十年心獨苦干戈滿地鬢先秋  
從今西賊應寒膽韓范安邊有密籌

閏九月重陽前一日奉陪梅所知司遊員山謁康  
仙祠卽席次韻二首

清遊曾記十年前員嶠山中訪老仙竹寺題詩風滿帽  
梅溪載酒月明船神遊弱水三千里目極齊州九點烟  
何日重來問真訣白雲深處種芝田

其二

莫聽月笛怨山陽且捧霞觴望帝鄉  
瑤草先秋猶著綠菊花雨後更留香  
風前紗帽孟嘉醉湖上觥船賀監狂  
一曲猗蘭千古意知音幸有漢中郎

圓山康仙祠詩奉次徐梅所知司韻

浪遊曾記出城西十二圓山紫翠迷  
一陣閒雲初過雨半篙新漲已平溪  
笙歌彩鳳空中下劍化羣龍匣底嘶  
何日神丹成九轉從公來聽枕中雞

再次王子實縣尹韻

春山杖策覓仙翁  
花信于今第幾風  
千樹碧桃流水外  
一聲白鶴亂雲中  
風舟無路尋蓬島  
霞佩何年謁蕊宮  
塵世總成盧枕夢  
且須沈醉學山公

謝姚省吾博士招飲次韻

風雨西齋酒一瓢  
白駒有客此逍遙  
清詩漢殿盤承露  
雄辨吳江弩射潮  
花下晚衙曾未散  
芹邊春酌若為招  
醉中忽作故園夢  
落日聞歌谷口樵

再用韻呈姚博士

清漳博士姚先輩  
爲水神明世胄遙  
縣嶺題詩風滿竹  
韶溪放棹月明朝  
愁來白石歌休唱  
老去青山隱可招  
世事都如棋一局  
坐觀謾學爛柯樵

賦得人日不陰

雨雪常年苦晦冥  
乾坤此日喜晴明  
宮梅落後餘寒盡  
野菜香時新暖生  
方朔占書應有驗  
杜陵詩句謾多情  
從今部戶安生遂  
重捧椒觴頌太平

深青道中

瀟瀟瘦馬深青道杜宇聲殘日又昏  
風裏林花香作陣雨餘池水綠添痕  
採桑野婦輕衣袂賣酒山家小荳門  
無限原頭芳草色教人千里憶王孫

姚省吾教授

漆園老子志逍遙箕水幽人分掛瓢  
江上月明纏鶴夢樹頭風急厭蜩菊  
松晚色留三逕芹藻春香藹泮橋  
無限甌生懷古意韶溪還許聽虞韶

賦得水田白鷺

漠漠平疇宿雨晴  
瀟瀟素羽晚風輕  
滿川綠漲一雙下  
隔岸青秧數點明  
霄漢無班陪鵠立  
烟波有社結鷗盟  
輞川若值王維畫  
添我青簑黃犢耕

送許輔之歸隱

吳門匹練隔風烟  
禹穴扁舟度海天  
入社陶潛須縱酒  
買山于頔未分錢  
松邊放鶴雲連屋  
沙際看鷗雨滿川  
塵世也知歸去好  
難謀二頃郭南田

次倪孟明集藥名之作呈徐梅所座主

結屋常山東復東雪梅霜菊洞天中黃連稻隴雨聲歇  
白歛松窻雲氣通幙種蓮花泛秋水盃浮竹葉醉春風  
丹砂欲問飛騰術勾漏何年訪葛翁

其二

藥籠兼收芝朮無空淹遠志在江湖樊籠防已憐鸚鵡  
歧路留行厭鷓鴣仙去好尋靈枸杞客來謾笑燉葫蘆  
早休知有遺安念洲上當歸種木奴

題老牛舐犢圖

夕陽芳草滿林皋，舐犢烏犍聳骨毛。  
乳哺願令兒長大，力耕要似母勤勞。  
南山夜半猶叩角，渤海春深總賣刀。  
誰識當年懷愛意，慈烏背上晚風高。

次堂郎司天韻

十里壺山春事幽，清狂裘馬記曾遊。  
木蘭陂上船如屋，黃石橋前酒滿樓。  
客路遠隨南鴈至，歲華真似水東流。  
日長候館題詩罷，靜對梅花進茗甌。



其二

瀟洒梅華驛裏人素衣楚楚謝縉塵鳳凰臺上家聲舊  
虎豹關中天語新老栢千年冰雪操仙槎萬里水雲身  
雞林詩價從今重好寄歸鴻及暮春

題櫟里畫

雲中樓觀疑廬阜水外亭臺似剡溪寒瀑落崖珠點亂  
晴嵐隔樹翠光迷舊遊空向真圖見清景應須好句題  
安得同攜琴鶴去青林白石寄幽棲

相士潘碧山久遊江湘間今以武功為石臼司警

瀕行索詩漫賦以贈

乍捧除書作宦遊猶談相術動時流  
新豐曾困鳶肩客定遠今多燕頷侯  
官舍喜居山水窟故園空憶菊松秋  
一瓢春酒何當共九曲溪頭明月舟

壽徐梅所生朝不遇

東山來訪玉梅枝不遇山翁祇自持  
流水小橋攜酒處白雲紅樹杖藜時  
林逋漫訪西湖鶴何遜先成東閣詩

珍重竹松泉石意重來莫負歲寒期

林登州集卷四